

0-16

Episode in Maune history female
initiation names, folklore. K34/84

1/16

1

Maina a Sesotho.

Maina a Sesotho gagolo mo Batlokweng a supa taba. Ga ba no thea fela. A bontsha thabo, matshwenyego goba a supa tiragalo e bileng gona lebakeng le ngwana a belegweng ka lona.

2

Le ge ngwetsi e goroga e thewa leina le le surago tswalano goba leloko la ba a tsewago go bona, goba o no rata go tsewa kantle ga leloko. Thlago le setlogo sa bona ke go tseyana ka leloko. Ka mokgwa o maina a a supa leloko la goba ga se gona ba thoma tseyano go no bontsha goba go kile gwa ba e mongwe mo lelokong la bona kgale wa go tseyana le lesika leo. Eya le ka maina a:-
 Ama-Moloko, Ama-Momoyathabo, Ama-Motateo, Ama-Molatelo, Ama-Tsela
 kgale le a mangwe. Maina a a supa gore batho ba ba tseyane ka leloko.

Maina a a thwa letakeng la bongwetsi ge ngwetsi e laiwa, E ka no thewa kwa bogadi, goba e ka no thewa ka gabo yona ge e laiwa go laiwa ga ngwetsi ke ge e fiwa dineo a beilwe legogong ka letsatsi la tseo.

3

Kgadi e kgolo ya lapa leo e theya leina la ngwetsi ka go ntsha kgomo. Taba e ngwe ke gore ge ba thea ngwetsi leina, ba direla gore ngwetsi ye le ge e ka hloka ngwana e no ba le leina mo bogadi ka ge a nyetswe, ke leina le ba tlo go mmita ka lona go bontsha gore o nyetswe.

Fela ngwana wa pele yo a belegwago o tla no thewa leina le la mmagwe le a le filweng ge a le legogong la bongwetsi a forile leetse, a tlotse letsoku.

Ama-Moloko go bontsha gore ke leloko la kgale. Ke gore ke kgale kgoro tseo di tseelana. Ngwana wa pele ka tlo mo thea moloko, le ga e le mosetsana goba mosinane.

4 Le ge ngwana yo wa pele a ka se phele, leina le le ka se tloge, le tla no bitswa gore ke ~~Mma-Moloko~~.

~~Mma-Moihabo~~ ke gore mosadi yo o ile go ba gabo. Mogongwe o latela bo rakgadi yage goba, bo mmame yage goba bo mogolo wage ba tserwego mo lelokong le.

~~Mma-Motatso~~ ngwetsi ye e tlilo mo lelokong le a tserwego go lona go tlatsa ba leloko la gabo, le lesika la gabo le le tserwego mowe, ngwana ke Motatso.

~~Mmatsele-gale~~ go bontsha gore ke kgale leloko le le dutse le tseyana.

5 ~~Mma-Molatelo~~ go thewa ngwetsi ye e latelago mogolo wage goba rakgadi yage. E tlo ba gagolo ngwetsi e tlilego lapeng la rakgadi yage. Ke gore o latela ba leloko la gabo ba tserwego pele, ngwana ke Molatelo.

~~Mma-Selaelo~~ ge ba reta leina le ba re: "Ke Mma-Selaelo sa bahu". Ke gore leina le supa taelo ya ba ba hwileng ba mo rerile gore ke gore ngwetsi ye e bile ya rerwa mogongwe batswadi ba gagwe ba ile go mo rera ba hwa. Goba rramogolo wage goba kukuwage. Le ge mohlomongwe ngwananyana yo a ka rata go sala a hlanama a ka se kgone ka ge a rerilwe ke bahu. "Lentsu la mohu ga le tshelwe", ba re le a ila. ngwana ke Selaelo.

~~Mma-Marupini~~ le thewa ngwetsi e hweditse ngwetsi le rratswale ba hwile ge yena a bekwa o hweditse go se na batho e le marupi (masupi) fela, ngwana ke Marupini.

~~Mma-Tshwarisa~~ goba ~~Mma-Tshwarisane~~, le supa gore ngwetsi ye ga e na leloko le batho ba goba le lesika le a tsewago go lona. Ga a na leloko nabo, o no rata lapa le o tlilo bathusa.

K34/84

7 Leina la ngwako goba ngwakwana le swana le la Larupini ke gore o hweditse e le dintlo fela, beng ba ile, (ba hwile).

Leina la Masilo goba Masilo lona ga le ke le thewa ngwetsi. Lona le thewa ngwana yo mohlomongwe mo lapeng go belegwego banenyana fela ba hlomagana. Eyale sebakeng gwa belegwa mosimane. La tlo mmita Masilo a-bo-banenyana, ke gore ke lesilo la bona ka ge a no wela gare ga bananyana. Ge ba mo reta ba re: "ke lesilo la banyana goba Masilo a bo banyana".

8 Sewela ge mo lapeng go na le basimane fela gwa no tshoga go belegwe mositsana a gare ga basimane ba, la tlo mo theya Sewela. "Ke sewela sa bo masogana."

Maina a bo Sewela le Masilo ga a no thewa fela, a thewa bana ba mohuta owe goba ge ba theelala e mongwe.

Maina a mangwe a thewa ka baka la matshwenyego a tswala, byale ka a :-

Seholofelwe ke gore mo lapeng le mahu a bana a latelana kudu, mogongwe o hwetsa bana ba ka fihlago 7 ba hwa ka go hlomagana e sa le masea, ge go ka no belegwa ngwana ba tlo mo fa leina le. 9 le supa gore ga ba holofele ge a ka phela. Ba re o tlo etsa bale ba pele a hwa.

Sanaga le yena o bontsha gore go bile le mahu a a go hlomagana a ba holofele ge a tlo phela. "Ke selo sa naga". A go swana le ona a ke bo-Ntsha-o-lahle ke gore ga se selo, a bo Katsana le bo Morupa, bo Legokobu bo Kgobe, motno wa kgobe sa boloko.

Maina a ke a thapelo a byalo ka bana ba lahlilweng, ba se na holofelo. E no ba gore mohlomongwe ba ka phela, ke thapelo. Eyale ka bo Sagothopya le bo Refilwe, Rekwelwe Rekgaugetawe, bo Khomotso.

K34/84

10 Maina a ka moka ke maina a bana la lehloko. Rana la mafahla ba be ba bolawa mathomong ba re ke raswika. Ba no bosola ke gore ba hlolela batho lehu. Eyale ka morago ge ba lemoga gore bana ba ga ba na bosula ba ba fa maina a:-

Dikonketso, Dimakatso ke gore ke dimakatso Batlokweng ge bana ba ba byalo ba thwarwa, ba se sa holawa. Dikonketso ke gore ba supa ge bana ba ba dumisega go yo a nago nabo.

Mnatsatsi le Sewatlaleng le Dipempenyane le amatala ke gore bana ba ba belegwe lebakeng la tlala. "Ke dipempenyane tsa mabele".

11 Mmapula, le Medupi a supa pula e kgolo le kgora ye bana ba ba belegwego go yona. Matome le thewa ngwana e le mosimane wa bobedi, ke gore ke mothusi wa yola wa pele. Ga le thewe ngwana wa pele, le thewa wa bobedi ka ga Matome e le mothusi wa ngwana wa pele.

Mokgadi le thewa ngwananyana wa go latela mosimane. Ke mokgadi wa ngwanabo. Ke gore o na le tshwanelo ya go mmentsha diposo ka moka tse a di dirago, "Mokgadi ya Masilo goba Matome".

12 Mmasaha ke mohlaki, le supa bodiidi le bohloki. Sereto sage se re: "Saya bohadi, o be le haheno; wa hloka kobo ba tlo ho rekela wa hloka dijo ba tlo go fa".

Letseka ke ngwana wa go sala a belegwa papage a hwile, ba re ke "Letseka la hlogo tse pedi".

Mamoribula o tliilo ribulla ntlo ya mogolowage. Ke gore o tliilo e bula ntlo ya ngwanabo goba ya bo rakgadi yagwe. O tsewa ge ba hwile a tsewa go tlo tsosa leloko lewe.

Mma-Mohlatlego o tliilo apea ka mo go rakgadi yage. O tserwe ga rakgadi yage go hlahlega pitsa ka go apea.

K34/84

13 Sedyā ba re : "ke Sedyā baledi", ke gore leina le le supa
gore bangwe ba hwile pele, ga a sa na bathusi. O jele baledi.

Leseka ke ngwana yo a melago meno a godimo pele, ba be ba
kgolwa gore ngwana yo ge a ka loma motho a ka hwa.

Labotha ke la ngwana ge a belegwa bakeng la ntwā. byale ka
bo Anantwa le bo Anadira, ke bana ba mothsabong. Kganedi le
yena ke ngwana wa lehloko ge a belegwe o ya kganakganelwa.

Ditshaba tse dingwe byale ka ba Moletse ba theelela diphoofolo
byale ka bo Ama-Chueni, mmphuti, mmakwena, mma-tbu, mma-kgabu
le a mangwe.

14 Ge ba theya dingwetsi tsa tona, mngongwe ba theya maina ge
ngwana a belegwe ge go diregile taba ye kgolo. Ba ka theya
ngwana ge a belegwe lebakeng le go tllileng moeng, mme a thewa
leina la moeng yowe. Ba bangwe ngwana wa pele o theelela
mkgalabye mmelega papage. Ngwana wa bobedi o theelela papago
mosadi ge e le mosimana ngwana wa boraro ge e le mosimana o
theelela rakgolo wa lesogana wa boraro ge e le mositsana o
theelela mmagolo wa lesogana.

15 Wa bone, ge e le mosimana o theelela rakgolo wa mmage, ge e
le mositsana o theelela mmagolo wa mositsana. Wa bohlanō ge e le
mositsana o theelela mmage mositsana. Ge e le mosimana o theelela
papage mositsana.

Wa bōselela ge e le monna o theelela rakgadi wa monna. Ge e
le mosadi o theelela rakgadi wa monna. Ge ngwana a belegwa ge
moeng a tlile ba theelela moeng yowe. Ge a belegwe lebakeng
la ntwā o tlo bitswa ka ntwā yeo. Ge mohlomongwe go diregile
taba e ngwe o tlo theelelwa ka taba yeo.

Rekhometswe le Relahlile ke maina a mafahla, ke gore re khometswe polao, re lahlile polao ya mafahla ka ge bana ba mafahla ba se sa bolawa.

16 Dinonwane tse dingwe ka Ramasela Magongwa mokgekolo.

Legokobu le khudu.

Legokobu le khudu di kile tsa tseya kgang ya go siyana khudu ka gore e be e na le bana ba bantsi ya eta e la beya le tsela mo ba tlo go siyana gona, ya ba beya makata. Legokobu la thaba la thala mothalo mo tseleng, gomme tsa ema tseleng ka dipedi, tsa thoma go kitima. Legokobu la sia khudu ka lebelo.

17 Legokobu la re gwa! gwa! gwa! Bo mukhudu nka ba sea ka lebelo. Morwa khudu a re ke gona ke sa swere. Ba no kitima byalo, morwa khudu/a dutse a fetola byalo go fihla ge mafelelong khudu e bonala e fihla pele, legokobu la nyama kudu.

18 History ya Matebele ge ba thopa dikgomo ka mokgalatye Mhlothswana Ledwaba.

Ge re le masogana ra tswa letsholo ba re go yo nyakwa phudufudu, ba ga Teffo ba roma motho ba re sepela o ye kwa lesolong lela la ga Sekgopetsana. Eyale ge a fihla mosimane a ga Teffo a re ke romilwe ke Teffo o re lena matebele le reng le re ngaela masemo? Eyale la tswa lesolo. Motho o re "labarelwe" (ke mokgosi gore kgobokanang) ge re kgobokane, kgosi ya re ge ba dira byatso a re boeleng gae.

Eyale go be go na le kosana e nyane e bitswago Modidima mokgesa batho. Eyale a re mogolo batho ba ba Teffo ba tlwaetse byale re diare le balela re ya gae ga gabo ra yo ba kwa.

19 Byale ga re rotlomoga morole wa (rena) tau ra yo ngaya
masemo ka swele. Ga re fihla nokeng ya Matlorotloro ba roma
Matamula le Kgathula ba re sepela o ye go Teffo o re gwaelelane?
Ga re bone se re se sentseng.

20 Ba ga Teffo ba re go rena le se ke la tshela noka ye. Ge
le ka e tshela madi a tla hlakana le meetse go be go nee thaka
ya rena Maripa, ke yena mokgomana o mogolo modidima. A re: " Re
ya nyoga gona mo". Ke ge re nyoga gona mo. Ge re re nyoge,
gona Maripa o be a setse a tsene gare ga dira tsa Teffo. Setse
ba mo agetse sekgororo ba re na Maripa o dirang a setse a le ka
gare ga bona.

 Mosimane wa ga Teffo a be a re go setse go apeilwe leswika
na? Ke gore le reng le sa swarane la lwa? Ke ge a tseya
sethunya a se lebisa godimo a re thuu! Ke gere a ba swarane.
Ra ba re setse re nyogile re dutse ga sele. Ra nama ra fosa
rena morole wa ditau! Ge re ba fosa go be go na le monna e
mongwe wa bona ba re ke Marema ka Tsaka.

21 Lesogana lesu le lengwe la betha mafahlana a yowe ka kolo.
Ba ga Teffo ba tshaba masogana a gesu matshelu a be a se na
dithunya a no swara dihlaku, ya gesu e nyenyane thaka ya mabitsi
ya tshaba, go sala rena morole wa ditau, le morole wa Matlhwana
le morole wa Matshela.

 Ra nyoga noka ya Mogwadi. Ge re nyogile monna yo ba rego ke
Maripa o peputse monna yo a hlabilweng, ba mo hlaba a peputse
motho yo a ba a mo lahla. Ba ga Teffo ba boya ba latalata ba
namile ba mmolaya. Ra nama ra pumpala ra ya gae. Ge re fihla
mo dithabaneng g tsa ga Mothiba ba re yang lena Matshela le yo
tsea marumo.

22 Kgosi Sekgopetsana a re re yo fisa motse o, ke mohla re tloga ge. Ge re fihla motseng wa Legodi ba re le se ke la ba la fosa. Go be go na le monna wa ga Sethusa ya bitswago maputla. Ea re le se ke la ba la fosa. Le lese go lle sethunya sa maputla. O be a na le sethunya sa melomo mebedi a se lahla a ba a se lahla ba re hu! hu! Morole wa ditau. Byatse ke ge re tsena motse wola wa ga Teffo re thupa dikgomo, ra fisa motse ka thoko.

23 Go be go na le monna yo mongwe wa lebelo wa ga Teffo yo a bitswago Mapatagane o be a kitima nka ke pere a yo botsa ba ga Kgokolo gore re phumilwe ke thaka ya ditau. O rile a sa ba anegela ba be ba bona motse o fiswa e le ba gesu ba fisa motse wa legodi. Bale ba gana ba re ke wa geno wa ga Teffo. Ea re e tlo ba e le bo mang ba le ka ba fenyane le le tee go sita ba ga letwaba le rena ba re paletse.

Monna yola a tshaba a phatsa molaotsi a leba fasi goba re tloga ra re re yo thopa tsa ga Mankgakisa ra hwetsa ba tshabile le tsona. Ke mohla re ba fentse e namile e le masupi.

24 Kgosi Maraba, notho wa Dika a ratwa ke batho ke "Makgoboketsa a bo Tsuma" A dira dithaloko tsa masogana tsa go fofa. A ba fa dinku. O be a rata masogana thaka tsa gagwe di hwile le yena makgowa a tlile Polokwane lebakeng la Maraba.

25 Ea ga Moletlane ba re go makgowa le ka se dule mo le seso la fenyane Maraba e lego Poho yeo. Ge le bolaile yena le tla dula naga e ka moka. Maburu a nana tiya matla gore ba bolae kgosi Maraba. Maburu a raka motse o bosego ba fisa motse ge ho sele ba bolaya batho go tee le kgosi.

Go be go ne byala bo tswa ga Mutubesa. Ea be ba to duletse ge ba fiswa ke Maburu. Sereto sa yena Maraba I.

ke....

K34/84

Ke lwa le mang wa gabo ngwana kwakwa,

Etswa magosi a tsatsing ke a fentse,

kwena Ramatla e rimami,

O dira mano a go metsa kgorosi

le ngwana ntlwaneng wa ga Mothiba,

Ke lwa le mang?

Pula sena ka mokgau,

Lesiba la bo Miletse,

Go bo Masao go dike go duma pula.

Tsa kwelo ya basadi.

Ka Rasilo kwakwa.

26

Kwelo ke sebo se sebotse gare ga Mabebele le Basotho le tshaba tse dingwe tsa ba baso. Ke sekolo sa ba baso, la rutwa tsa bophelo bya banna le basadi.

Ge kwelo e ntshiwa e tswa ka moraga ga menyaga e mebedi ke gore ngwaga wa pele go tswa basimane wa bobedi ke bananyana. Monna ge a na le monyana wa lesoboro o kgopela gore nke basadi ba ntshe kwelo. Monna yo a kgopelago kwelo o ntsha kgomo a yo loba mosate. Ge ba mosate ba mo dumetse, yena o swanetse go bitsa ngaka. Ge ngaka e tlile o swanetse go aga lesaka mo ba tlogo wela gona.

27

Byale banna le basadi ba kgobokana ba kgetha motho e le monna gore a tsentse bana ka lesakeng. Monna yo o fiwa thupa e tloditawego dihlare. Byale ngwananyana o mong le e mongwe yo a tsenago ka kgoro o bethwa ka thupa ye. Gola ba feditse go tsentsha bana, ba nyaka ngwananyana yo e lego wa ga nagongwa. Ke yena Molobe.

Byale ba swanetse go mo nyakela thopa ba re ke "ngwana gagwe". Ga a na tshwanelo ya go e lahla a ka ba le molato. Byale ka thuto ya dikoma mosadi yo mongwe le yo mongwe yo a kgonang thuto

K34/84

28 ye ngwe a ka ruta ka kwano ya basadi. Ge ba thoma ba tla mosate go tlo lotsha. Koma ya pele re ka no rutwa kosa, byale ka kosa ya Mathuntsha dithule e re:

"Ngwana Mathuntsha dithule

Thuntsha thuntsha".

Ae re opela re no kitima kgakala. Lebaka la molato ga go dumelelwe motho a lwa le mosadi le ga e le go rogana. Ge go lwelwe byale bo swanetse go yo mo opela. Ge ba mo opetse o swanetse go lefa ka pudi. Mosadi o swanetse go ntsha mabele, pudi ye e swanetse go jewa ke basadi e sego banna. Ge ba boya ba tso opela motho yo ba boya ka kopelo. Kopelo e re:

"Sebata se mabalabala

mpya ra re e bolaile".

29 Ba ntsha koma. Koma ke seswantsho se sengwe le se sengwe se ba ka se dirago ka matsogo byale ka koma ya kgomo, le ya hlame le tholo. Ba bopa letsopa ba swantsha dilo tsewe ba re ke dikoma. Ba e beya gare, byale byale bo ya ka o tee ka o tee ba yo bona koma ye ba opela. Go sasa le gona ba tla ba swantshitse ntho ya go swana le dilo tee di tleng di mile mo seolong, tsa mebalabala ba di opela ka kopelo e di lebaneng. Kopelo ya yona e re:

"Ngwana Lagoloma,

Motshitshi gololoma".

Yo mongwe le yena o tla a swantshitse dilo tsa makhwala le yona e na le kopelo ya yona.

30 Mogongwe ba tseya motho ba mo dira koma. Ba mo apesa kobo tsa banna. Ba mo kgabisa ka mo ba kgonago ba mo opelela.

E bewa gare ya bina, ya bogwa ke byale ge e fetsa e ya tloga.

Ge le hlaba gape go tla mosadi yo mongwe a hlamile motho a mo apesitse ka mo a kgonago. Ke kona ya motho. Ba opela kopelo e lebaneng ba re:

"Gangane o ye tla
Mogale ra Mhlahlantsha diala".

Ge ba setse ba nyaka go aloga ba bolela gore re tlo boga koma yowe ba re ke ya basadi le banna.

31 Ba apara kobo tsa majakane le ka dijase koma ye e botse kudu kudu o ka e swantsha le ge ba dira (church displays goba school displays). Kopelo ya gona ba re ke:

"Ngwale se tsene ga rantabula
sia Pukung".

koma yeo le banna ba ya e rata. Ga re na se re se rutwang, re rutwa go opela dikoma fela.

Mohla re ya mosate ke gore ge re aloga, re dira "ollele-huik" ke kopelo e re e opelago. Ngaka ya tla go phetha modiro wa yona.

32 Ga go thuto ya selo e ka anelwago motho, ge e se dinyepo tsona di a rutwa. Sekgwa ya sesadi e rutwa ge ngwanenyana e ba kgopa. Ke koma ga ba rate go botsa motho selo. Taba e makatsago ke ge bohle ba ba rupilego ka koma ya sesadi ba nyataa gore ga go thuto ya selo ge e se go bogela dikoma le go di opelela.

33

Nonwane ka lesetsa Masao, mokgekolo.

Kgosi le morwedi wa yona.

Go kile gwa ba le kgosi e ngwe e na le morwedi yo mobotse. Kgosi yowe ya dira molao wa go re ge motho a tsea ngwana wa gagwe a se ke a re ge a bina a tseha (sega).

Ka tsatsi le lengwe gwa tla masogana a mabedi a re go yena, re nyaka go tsea ngwana yo wa gago gore e be mosadi wa rena.

Kgosi ya fetola ya re ge motho a nyaka ngwana wa ka a se ke a re ge ke bina a sega. Kgosi ya gona e be e tswile dinaka mmele ka moka.

O rile ge a thoma go bina masogana a le a mabedi a thoma go sega, a ba koba.

34

Ka tsatsi le lengwe le gona gwa tla masogana a mabedi le ona a re a nyaka morwedi wa kgosi yeo. Masogana awe a be a na le melomo ya ka pele le ya morago.

O rile ge a thoma go bina ba sega ka melomo ya ka morago, ya pele e sa sege. Byale kgosi ya re mo tseyeng, ke mosadi wa lena le sepele nae.

Morwedi yo leina la gagwe e be ele Morongwa; a sepela le ngwanabo yo ba re go ke Bilwana. Ke moka ba sepela nabo ba ya gabo bona. Byale masogana awe ga gabo bona e be e le ka fase ga mabu. Ba sepela sebaka se se telele, ba ba ba fihla gae. Masogana awe ge a fihla a re:

"Lefase bulega, Morongwa o ganne ba gabo a re ke tsewa ke ba ga Metlase melomo - Metletlulu".

Ba betha fase ka marago, ba tsena, Morongwa a sala kantle.

35 Ba bowa ba ba swara Morongwa ba re:

"Lefase bulega, Morongwa o ganne
ba gabo a re ke tseya ke ba ga.
Metlase melomo Metletlulu".

Ba betha fase ka marago ba tsena Morongwa a sala kantle.
Byale lesogana le lengwe la tlala pelo la re nna ke ya sepela, o
tlo sala le mosadi wa gago.

Mogatsa Morongwa a bopula Morongwa a mmofa ka matswa a re
kgane Morongwa o tlo tsena, Morongwa a se ke a tsena. Gwa tla
pula e kgolo e ntsho-ntsho, mogatsa Morongwa o rile ge a bona
pula e tla a lla kudu, a kwa bohloko ge mosadi wa gagwe a sa tsene
ka fase ga mabu a re:

"Lefase bulega, Morongwa o ganne
ba gabo a re ke tseya ke ba ga
Metlase melomo Metlatlulu".

A betha fase ka marago a tsena, Morongwa a sala kantle.

36 Monna wa gagwe a tsena a mo tlogela. Ba ntsha ngwanabo ka
moleteng. Byale Morongwa le ngwanabo ba rego ke Bilwana ba
boela ga gabo bona.

Erile mo tseleng ge ba sepela, Morongwa a kwa Bilwana a re,
Morongwa ka gata Morongwa, a re, o gatang nnake Bilwana? A re:
"Ke boloka", a re: "A ke o kgophe re kwe", a re: "Ke bya tau".
Ba sepela sebaka se setelle. Ba rile ge ba setse ba fihlile ka
gae, pula ya thoma go na. Ba bona mosimane yo mongwe a apere
letata a yo hlwayela dikgomo, a bona Morongwa le Bilwana a ba
tsea a ba isa ka ntlong. Ba dula ka gona. Tsatsi le lengwe
Morongwa a ba le ngwana. Mmaga Morongwa a re a apeile bogobe
a tshola, ngwana wa

37 Morongwa a ya go yena, a re, sehlola se se ya kae, se bona
ngwanaka a tisetse?

Morongwa a re, mma o reng o mpolaela ngwana? Mma Morongwa
a hwa.

Nonwane ka lesetsa Morongwa, mokgalabye.

Mamma a be a tsere mosadi a re go mosadi a re a re thothe
re yo aga kgole. Gomme ba thotha ba yo aga kgole gare ga
dihlare. Batho ba ba be ba se na ngwana. Mamma a re go
mosadi a re: "Sala mo ke sa yo nyaka dipelapo". Mosadi a re
manthapama a apea ting ya bogoko.

38 Gomme a tshola gwa tswela ntho ye ngwe ya re, "mphe-mphe
Nhwoduwana". A boifa ge le huaba a fsiela mo lapeng, manong
a fihla. Mosadi a re go wona, "Le ka se yo bitsa Boletane na"?
Manong a re, "re ka ya". Mosadi a re le tla reng ge le fihla?
A re: "ba tla re gola ba re, Aa-Aa, manong a mabotse, nke motho
a ka a bolaya, papa ge a apere a sala nke ke kgosi. A re manong
a go bolawa re tlile go bitsa "Boletane", mosadi a apeya a re go
tshola tsa tsea boletane tsa mo lokela ka mahwafeng tsa ya le yena
gae. Mamma a tsea dipelapo a di beya a botsa mosadi a re gola
o fala magogo o se ke wa a ja, o a beye ka morago ga lelati. A
re go beya magogo ale a hwetsa dipelapo di a jele. Dipelapo
39 tsela tsa nama tsa fetoga batho.

Mosadi a re a sa fala pitsa a bona dipelapi di tla go yena,
tsa re: "Mma re fe magogo", a di fa tsa ja. Bana bale ba ga
Boletane ba nananyana ba tsewa ba nyalwa. Ba masogana ba tsea
ba tlisa basadi ba bona ka gae. Gwa sala monyana o tee a se tsewe
Monyana ola a re ge a ya nokeng a phuma kgapa, mosadi ola a re go
yena, "O reng o phuma kgapa ya ka ge o le mo go o motho o dio ba
dipelapi fela".

40 Monyana ola a nama a tloga a ya go ngwanabo a re a re sepele
 nna o rile go bona ke phomile kgapa a re ga ke motho ke dipelapi.
 Ba sepela ba tsama ba bitsana ba dipelaping ga gabo bona. Yo
 mongwe a re, "nna ke be ke eme mo" yo mongwe le yena a re, "nna
 ke be ke eme mo" ka moka ya nama ya ba dipelapo.

Sa mosela wa seripa.

Bananyana ba ya dipheteng.

Ka tsatsi le lengwe bananyana ba re re ya dipheteng, ba tloga
 ba sepela. Ge ba sepela mongwe wa bona a leba morago a bona
 mosimane a ba latela, a botsa bangwe le bona ba leba morago ba
 mmona.

41 Mosimane a fihla go bona leina la gagwe e be e le Masilo.
 be a rata go sika le bananyana kudu. Masilo o be a tswile ntane.
 Ba sepela ba mo koba, fela a no ba sala morago, ba ba ba fihla
 mo ba yang. Ge ba re re kga dipheta ba bona pula e hloma ba
 tlalelwa ke naga. Masilo yena o be a agile ntlo ka dihlaka.
 Byale bananyana ba ya go yena ba re, "re tsentshe hle Masilo".
 Masilo mosimane a gana ba ba ba leba gae. Ba rile ge ba le
 tseleng ba bona lerule le thuntsha morago go bona. Ba tsentsha
 dinala fase ba kitima makgema le ona a re re kgauswi ka lebelo.
 Ge ba kitima ba bona segwagwa ba re re metse re a go rapela.
 Segwagwa sela sa ba metsa sa tsea le magokobu sa a metsa dimpa
 tsa sona tsa sala e le tse dikgolo. Makgema a fihla a botsisa
 segwagwa sa re: "Ke dimpa tsa ka di hlwa di le byale ke mokgwa
 wa tsona". Fela ba belaela ba re o a re fora o ba meditse.

Ba re hlatsa re bone, segwagwa sa hlatsa sa ntsha magokobu
 fela. Makgema ale a tloga a sisingwa magokobu. Ba kitima ba
 timelela ka mabyanyeng. Segwagwa sa re go bona makgema a timeletse
 sa ba hlatsa ba sepela, ba re ge ba lebile gae ba kwaisello se

42 segolo motseng. Mo banenyaneng go be go na le e mongwe ya leina la gagwe e bego e le Mmaphuti. Ngwanenyana yo a thoma go tetemela a se hlwe a sa kgona go sepela. Anthe selo sewe se ka gabo Mmaphuti mme o hwile. Ge ba fihla gae Mmaphuti a thoma go lla ka bohloko go fihla ba mo epela. Kgosi ya tsea Mmaphuti a dula nae, go fihlela Mmaphuti a go kwa a tsewa. Dikgomo tsa tsewa ke kgosi.

Sa mosela wa siripa.

END S. 654.